



DANI OPĆINE
STARI GRAD SARAJEVO



Saopćenje za javnost
Broj doc. 503B – 2019

Peta internacionalna konferencija
SARAJEVO I SVIJET
od 4. do 15. maja 2019. godine

Razgovor s Amorom Mašovićem
Odnos prema mrtvim, jamstvo budućnosti živih
Sjedište Međunarodnog foruma Bosna
(ul. Sime Milutinovića 10/III)
10. maj (petak) 2019. godine, s početkom u 17:30 sati

Čast nam je obavijestiti vas da će 10. maja (petak) 2019. godine, s početkom u 17:30 sati, u sjedištu Međunarodni forum Bosna (ul. Sime Milutinovića 10/3) biti održan razgovor s g. Amorom Mašovićem *Odnos prema mrtvim, jamstvo budućnosti živih*. Taj razgovor je dio programa Pete internacionalne konferencije Sarajevo i svijet koji zajednički realiziraju Međunarodni forum Bosna i Općina Stari Grad.

Temelj univerzalne etičnosti je odnos prema dostojanstvu mrtvog, tek rođenog, siromašnog i bolesnog čovjeka. To dostojanstvo je najranjivije u slučaju najslabijih. Zato je pravo mrtvog na nepovredivost i mir u grobu mjera stanja u svakoj ljudskoj zajednici. Je li to pravo osviješćeno u bosanskoj etici sjećanja? Mogu li vladajuće nemoći u harmoniziranju bosanske društvene pluralnosti biti prevaziđene bez okretanja pravu najslabijih, a to prije svega znači mrtvih? O tim i sličnim pitanjima govorit će g. Amor Mašović.

Amor Mašović je prvi u ukupnoj historiji bosanskog naroda započeo pothvat obrtanja anestetiziranih kolektivnih odnosa prema mrtvim. Sam je domislio i započeo realizirati projekat dostojnog odnosa prema ubijenim i na najgrublji način sklonjenim njihovim ostacima. Tako je sam postao simbol otkrivanja dostojanstva mrtvih, a tako i novog bosanskog odnosa prema budućnosti živih.

Razgovor s njime vodit će gđa. Amra Hadžimuhamedović, univerzitetska profesorica čije istraživačko područje obuhvata historiju bosanskog kulturnog naslijeđa, a tako i bosanskog kolektivnog pamćenja. Nije moguće govoriti o rekonstruiranju bosanskog trajanja bez uzimanja u obzir odnosa prema grobovima davnih i bliskih predaka, a tako i prema onima koji će se u budućnosti pridruživati tim gradovima mrtvih.

Predavanje je otvorena za članove i prijatelje Međunarodnog foruma Bosna i predstavnike medija.

Nermina Jusić
MFB Press